



Adresa: Ul. Hamdije Čemerlića 39.
71000 Sarajevo
<http://www.voda.ba>

tel. +387 33 726-422
fax. +387 33 726-423
e – mail: info@voda.ba

Broj: UP-1/21-2-40-205-2/24

Datum: 30.04.2024. godine

„Agencija za vodno područje rijeke Save“ Sarajevo rješavajući po zahtjevu pravnog lica Mjesna zajednica Stjepan Polje, grad Gračanica za izdavanje vodne saglasnosti na izrađenu projektnu dokumentaciju za aktivnosti na izgradnji probno-eksploatacionog vodozahvatnog objekta- bunara SPB-2, na vodocrpilištu „Stjepan Polje“, a u svrhu obezbjeđenja nedostajućih količina vode za piće stanovništva i privrede koje se vodom snabdijeva putem javnog vodovodnog sistema, na osnovu člana 109. stav (1) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22), donosi

RJEŠENJE **o vodnoj saglasnosti**

1. Mjesnoj zajednici Stjepan Polje, Grad Gračanica daje se vodna saglasnost na izrađenu projektnu dokumentaciju za aktivnost zahvatanja dodatnih količina vode putem probno-eksploatacionog vodozahvatnog objekta – bunara SPB-2, na vodocrpilištu „Stjepan Polje“ grad Gračanica u skladu sa projektnom dokumentacijom:
 - Elaborat o klasifikaciji, kategorizaciji i proračunu rezervi pitke podzemne vode bunara SPB-2 na lokalitetu MZ Stjepan Polje, grad Gračanica, urađen od strane „BH Bušenje“ d.o.o. Tuzla, decembar 2023. godine.
2. Vodna saglasnost se daje na osnovu utvrđenog činjeničnog stanja i pregleda investiciono-tehničke dokumentacije iz tačke 1. ovog Rješenja koja je sastavni dio ovog rješenja i ista se ovjerena od strane ove Agencije vraća investitoru na trajno čuvanje u skladu sa odredbom člana 114. stav (3) Zakona o vodama.
3. Vodna saglasnost se daje pod sljedećim uslovima:
 - 3.1. Vodozahvatni objekat – bunar SPB-2 sa svim ugradbenim elementima, opremom i pratećim cjevovodom i šahtovima izvesti u skladu sa ovjerenom projektnom dokumentacijom iz tačke 1. dispozitiva ovog Rješenja.
 - 3.2. Način i mjesto ugradnje mjerača protoka zahvaćene vode i pumpnih agregata kao i održavanje istih uskladiti sa upustvima datim od strane proizvođača opreme.
 - 3.3. Obezbijediti ateste za svu opremu koja se planira ugraditi u vodozahvatni objekat, za cjevovod i šahtove (fazonski komadi i armature, vodomjer, pumpni agregati i sl.).
 - 3.4. Korisnik vodne saglasnosti je dužan da riješi imovinsko-pravne odnose na lokalitetu izvođenja radova na mjestu formiranja privremenog gradilišta, pristupnog puta i deponije za odlaganje viška izvađenog materijala.
 - 3.5. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim.
 - 3.6. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
 - 3.7. Predvidjeti da se sav nastali otpad prilikom izvođenja radova prikuplja u skladu sa važećim propisima o postupanju sa otpadom.
 - 3.8. Podnosilac zahtjeva je obavezan uvažiti uslove iz Rješenja o urbanističkoj saglasnosti broj:12-04/1-19-025808/21 28.06.2022. godine izdato od strane Ministarstva prostornog uređenja i

- zaštite okolice Tuzlanskog kantona i Rješenja o urbanističkoj saglasnosti, broj:06-19-03361-2020 od 09.11.2020. godine izdatog od strane Službe za prostorno uređenje, geodetske i imovinsko pravne poslove grada Gračanica.
- 3.9. Sve kolizije sa postojećim instalacijama (elektroenergetske, telefonske, kanalizacije, i ostale infrastrukture) na lokaciji vodozahvatnog objekta, ukoliko do takvih situacija tokom izvođenja radova dođe, će se rješavati uz saglasnost mjesnog nadležnog preduzeća, koje će dati tehničke uslove za izvođenje ovih radova.
 - 3.10. Planom organizacije gradilišta koje će se formirati u funkciji provođenja navedenih radova, treba osigurati da mjesta za smještaj građevinske mehanizacije, tečnih goriva i maziva budu locirana na takvoj udaljenosti da ne mogu imati negativan uticaj na podzemni akvifer (izvorište).
 - 3.11. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
 - 3.12. U okviru gradilišta riješiti prikupljanje i konačnu dispoziciju sanitarno-fekalnih otpadnih voda na način da se iste prikupe u vododržive posude/rezervoare i izvezu izvan zona izvođenja radova uz ugovor sa nadležnim komunalnim preduzećem.
 - 3.13. U sklopu uređenja gradilišta dati organizaciju izvođenja radova uz opis i instrukcije u slučaju pojave incidentnih situacija i način sanacije njihovih negativnih posljedica.
 - 3.14. Investitor (korisnik vodne saglasnosti) je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.15. Višak materijala iz iskopa koji će se pojaviti prilikom izvođenja zemljanih radova, a koji ne bude iskorišten za radove na izgradnji objekata zahvata ili objekta tretmana pitkih voda, potrebno je odložiti na deponiju izvan vodnog dobra, a sve u skladu sa uputama Investitora, tj. korisnika ove vodne saglasnosti.
 - 3.16. Tehnologiju izvođenja radova prilagoditi uslovima na terenu uz odgovarajuća osiguranja ljudi i materijalnih dobara i uz praćenje stanja na izvorištu u smislu promjene kvaliteta i količina voda.
 - 3.17. Ukoliko se u toku izvođenja radova i korištenja predmetnih objekata prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan uzroke štete otkloniti, a nastalu štetu trećim licima nadoknaditi.
 - 3.18. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
 4. Nakon završetka aktivnosti na terenu neophodno je isti dovesti u prvobitno stanje.
 5. U periodu do ishodovanja upotrebne dozvole neophodno je od nadležnog organa iz člana 68. Zakona o vodama donijeti Odluku o zaštiti vodocrpilišta „Stjepan polje“ grad Gračanica, a sve u skladu sa važećim Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje ("Službene novine Federacije BiH", br. 88/12).
 6. U toku važenja vodne saglasnosti, a prije podnošenja zahtjeva za izdavanje vodne dozvole, podnosilac zahtjeva dužan je ishodovati koncesioni ugovor u kome će biti definirani uslovi korištenja voda, izdat od strane nadležnog organa i kopiju istog dostaviti AVP Sava.
 7. Po završetku izgradnje predmetnog objekta i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Sl. novine FBiH“ broj: 31/15, 55/19, 41/20, 63/22).
 8. Ova vodna saglasnost, shodno članu 114. stav 6. Zakona o vodama, prestaje da važi istekom roka od dvije godine od dana pravosnažnosti ovog Rješenja ukoliko do tog dana nije pribavljeno odobrenje za građenje i započeta izgradnja objekata u skladu sa glavnim projektima iz tačke 1. dispozitiva ovog rješenja.
 9. Ovo Rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Investitor, Mjesna zajednica Stjepan Polje, grad Gračanica pismenim zahtjevom broj: 12/24 od 19.04.2024. godine zatražila je izdavanje Rješenja o vodnoj saglasnosti na izrađenu projektnu dokumentaciju u cilju utvrđivanja kvalitativno-kvantitativnih karakteristika vode iz bunara SPB-2, izgrađenog na zemljištu označenom kao k.č. 3589/2 K.O. Stjepan Polje, a u svrhu obezbjeđenja dodatnih količina vode za piće stanovništva i privrede koje se vodom snabdijeva putem javnog vodovodnog sistema, a u postupku pribavljanja odobrenja za gradnju. U provedenom postupku, uz zahtjev za izdavanje vodne saglasnosti dostavljena je slijedeća dokumentacija:

A. Opća dokumentacija

- Uvjerenje o poreznoj registraciji od 23.04.2003. godine izdato od strane Kantonalnog poreznog uprava u Tuzli - ovjerena kopija,
- Obavještenje o razvrstavanju pravnog lica prema klasifikaciji djelatnosti, 07-32.5-20070/15 od 30.09.2015. godine izdato od strane Službe za statistiku za područje Tuzlanskog kantona - ovjerena kopija,
- Odluka o verifikaciji postrojenja MZ na području općine Gračanica, broj:01-023-7-21/97 od 16.04.1997. godine - ovjerena kopija,
- Rješenje, broj:03-015-1/86 od 07.06.1963. godine izdato od strane Opštinskog sekretarijata za organizaciju uprave i društvene djelatnosti opštine Gračanica - ovjerena kopija,
- Rješenje, Up/I broj:06-14-2-621/23 od 24.07.2023. godine izdato od strane Federalnog ministarstva energije, rudarstva i industrije - ovjerena kopija,
- Rješenje o urbanističkoj saglasnosti, broj:12-04/1-19-025808/21 od 28.06.2022. godine izdato od strane Ministarstva prostornog uređenja i zaštite okolice Tuzlanskog kantona - ovjerena kopija,
- Rješenje o urbanističkoj saglasnosti, broj:06-19-03361-2020 od 09.11.2020. godine izdato od strane Službe za prostorno uređenje, geodetske i imovinsko pravne poslove grada Gračanica - ovjerena kopija,
- Rješenje, Up/I broj:06-14-2-952/23 od 01.04.2024. godine izdato od strane Federalnog ministarstva energije, rudarstva i industrije - ovjerena kopija,
- Zemljišnoknjižni izvadak, Katastarska općina:Stjepan polje, broj:027-0-NAR-24-000 760, Zemljišnoknjižni uložak broj:3322 izdat od strane Općinskog suda u Gračanici - ovjerena kopija,
- Izvod iz posjedovnog lista broj 207 od 10.11.2021. godine izdat od strane Službe za prostorno uređenje, geodetske i imovinsko-pravne poslove - kopija,
- Rješenje o odobrenju za građenje, broj:06-19-04172-2020 od 14.10.2021. godine izdato od strane Službe za prostorno uređenje, geodetske i imovinsko pravne poslove grada Gračanica - ovjerena kopija,
- Rješenje o produženju važenja rješenja o odobrenju za građenje, broj:06-19-03794-2022 od 19.10.2022. godine izdato od strane Službe za prostorno uređenje, geodetske i imovinsko pravne poslove grada Gračanica - ovjerena kopija,
- Dokaz o uplaćenju federalnoj upravnoj pristojbi na zahtjev

B. Tehnička dokumentacija

- Projekat detaljnih hidrogeoloških istraživanja podzemnih voda za potrebe vodosnabdijevanja MZ Stjepan polje, grad Gračanica urađen od strane „BH Bušenje“ d.o.o. Tuzla, juni 2023. godine,
- Elaborat zona sanitarne zaštite i zaštitnih mjera za izvorišta bunara SPB-2, grad Gračanica urađen od strane „Zavod za vodoprivredu“ d.d. Sarajevo, februar 2024. godine,
- Izvještaj o reviziji elaborata zona sanitarne zaštite i zaštitnih mjera za izvorišta bunara SPB-2, grad Gračanica, urađen od strane TQM d.o.o. Lukavac, mart 2024. godine,
- Elaborat o klasifikaciji, kategorizaciji i proračunu rezervi pitke podzemne vode bunara SPB-2 na lokalitetu MZ Stjepan Polje, grad Gračanica, urađen od strane „BH Bušenje“ d.o.o. Tuzla, decembar 2023. godine

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U provedenom postupku konstatovano je slijedeće:

- Investiciono tehnička dokumentacija navedena u tački 1. dispozitiva Rješenja urađena je u skladu sa uslovima iz rješenja o prethodnoj vodnoj saglasnosti broj: UP-I/25-1-40-265-5/21 od 30.06.2021. godine izdatog od strane Agencije za vodno područje rijeke Save, Sarajevo.
 - Urbanističko-tehničke uslove za izgradnju vodozahvatnog objekta-bunara, podnosiocu zahtjeva je propisano kroz rješenje o urbanističkoj saglasnosti, broj:12-04/1-19-025808/21 od 28.06.2022. godine izdato od strane Ministarstva prostornog uređenja i zaštite okolice Tuzlanskog kantona i rješenje broj:06-19-03361-2020 od 09.11.2020. godine izdato od strane Službe za prostorno uređenje, geodetske i imovinsko pravne poslove grada Gračanica.
 - Rješenje o odobrenju za građenje, broj:06-19-04172-2020 od 14.10.2021. godine izdato je od strane Službe za prostorno uređenje, geodetske i imovinsko pravne poslove grada Gračanica i rješenje o produženju važenja rješenja o odobrenju za građenje, broj:06-19-03794-2022 od 19.10.2022. godine izdato je od strane Službe za prostorno uređenje, geodetske i imovinsko pravne poslove grada Gračanica.
 - U toku važenja ovog rješenja, a prije podnošenja zahtjeva za izdavanje vodne dozvole, podnosilac zahtjeva dužan je ishodovati koncesioni ugovor u kome će biti definirani uslovi korištenja voda, izdat od strane nadležnog organa i kopiju istog potrebno je dostaviti AVP Sava.
 - U periodu do ishodovanja upotrebne dozvole neophodno je od nadležnog organa iz člana 68. Zakona o vodama donijeti Odluku o zaštiti vodocrpilišta „Stjepan polje“ grad Gračanica.
- Na osnovu dostavljene dokumentacije i utvđenog činjeničnog stanja, a u cilju smanjenja negativnih uticaja predmetnih objekata i aktivnosti na stanje voda i vodni režim, podnosiocu zahtjeva su ovom vodnom saglasnosti, u dispozitivu Rješenja propisani uslovi u skladu sa članom 114. Zakona o vodama i članom 19. Pravilnika o sadržaju, obliku, uslovima, načinu izdavanja i čuvanja vodnih akata koje je Investitor dužan ispuniti u toku gradnje sistema za zahvatanje novih količina vode za piće.

U skladu sa svim navedenim konstatovano je da sa aspekta sektora voda i priložene dokumentacije ne postoje zapreke da se Investitoru izda tražena vodna saglasnost za navedene aktivnosti, pa je riješeno kao u dispozitivu ovog rješenja.

Podnosilac zahtjeva je uplatio upravnu taksu u iznosu od 60 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine F BiH“, broj 6/98, 8/00, 45/10, 43/13).

Uputa o pravnom lijeku

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 (petnaest) dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

mr. sci. Selma Merdan, dipl.inž.geol.

Prilog: (Ovjerena tehnička dokumentacija navedena pod tačkom B obrazloženja Rješenja).

Po ovlaštenju
Rukovodilac sektora za izdavanje vodnih akata


Haris Ališehović, dipl.inž.građ.

Dostaviti:

- MZ Stjepan Polje
75324 Stjepan Polje, (sa prilogom),
- AVP-ISV -Vodna knjiga,
- Sektor 40, arhiva,
- Oglasna tabla AVP-Sava Sarajevo